

**DURANTE COMMON GOOD
CONFERENCE A FIRMA MOU PA
FORTIFICA E PLAN NACIONAL DI
REFORESTACION**



WWW.SOLODIPUEBLO.COM



SOLODIPUEBLO@GMAIL.COM

**7 HENDE HOMBER
CU NACIONALIDAD
VENEZOLANO Y UN
CANTIDAD DI DROGA CU
NAN A PURBA DI
HIBA ARUBA**



**UN PERSONA
HERIDA, DESPUES
DI A ACCIDENTA NA
BUSHIRIBANA**

**PROME MINISTER A ENTREGA MANDO DI
CARNAVAL 72 NA MONARCANAN 2026**



UN PERSONA HERIDA, DESPUES DI A ACCIDENTA NA BUSHIRIBANA



Bushiribana - Diasabra den ora di merdia polis di trafico y ambulance a bay altura di ruina na Bushiribana.

Dos persona riba un quadracer a accidenta.

Ambulance tawata necesario, debi cu uno a haya golpinan cu tin mester di atencion medico.

Por a mira cu polis di trafico a tuma datos, y despues a bay e sitio unda posiblemente e accidente

a sosode cu ta cerca di e conocido structura bieu riba e caminda di tera.

Si bo no ta conoci cu e tereno eybanda, bo por haya bo fácilmente den un desgracia serio si sa.

LIDER DI FRACCION DI AVP, JENNIFER ARENDS-REYES NA AUDIENCIA REGULAR CU GOBERNADOR

ORANJESTAD (1 di februari 2026) – Den cuadro di e audiencianan regular cu Su Excelencia Gobernador di Aruba, Sr. Alfonso Boekhoudt, lider di fraccion di AVP na Parlamento, Sra. Jennifer Arends-Reyes, a cumpli diabierna ultimo cu e bishita institucional pa un intercambio di idea y informacion riba diferente tema di interes nacional.

Durante e audiencia, a papia entre otro tocante desaroyo politico actual, responsabilidad constitucional di

Parlamento, y e importancia di un colaboracion continuo entre e institucionnan pa garantisa estabilidad, gobernabilidad y bienestar di pueblo Arubano.

Sra. Arends-Reyes a subraya cu e audiencianan regular cu gobernador ta forma parti di un proceso democratico importante, cu ta contribui na transparencia, dialogo y respet mutuo entre e diferente podernan di pais. Segun e lider di fraccion, e tipo di encuentro aki ta fortalece e rol di Parlamento den proteccion

di interes general y e Estado di Derecho.

“Como representante electo di pueblo y lider di fraccion di AVP, ta esencial pa mi mantene un comunicacion habri y respetuoso cu gobernador, na beneficio di pais y su pueblo,” asina Arends-Reyes a declara.

Como parlamentario y lider di fraccion AVP, Sra. Arends-Reyes ta continua comprometi cu e responsabilidad serio y constructivo di su labor parlamentario, semper poniendo e interes di



Aruba y su ciudadano na prome lugar.

ARUBA CONSERVATION FOUNDATION AND ATA SIGNED MOU DURING COMMON GOOD CONFERENCE

Durante e conferencia di E Bon Comun diabierna, a firma otro MoU dunando realse na e movimiento pa e bon comun. Esaki ta fortifica cooperacion den barionan y desaroyo cu cuido pa naturalesa

Durante e momento significativo di firmamento, como parti di e Common Good Conference, den presencia di Prome Minister Mike Eman y Minister di Turismo Wendrick Cicilia, Natasha Silva di Aruba Conservation Foundation y Ronella Croes di Aruba Tourism Authority, a firma un Memorandum of Understanding (MoU) pa continua y fortifica e cooperacion den nos barionan.

EMoU aki ta forma parti di e esfuerso continuo di Aruba

pa reforsa colaboracion den comunidad, cu un enfoque cla riba desaroyo inclusivo cu ta tene cuenta cu naturalesa. E acuerdo ta confirma e compromiso comparti pa traha hunto na beneficio di barionan, turismo y medio ambiente. Cu e firmamento aki, e colaboracion entre e partnernan principal ta formalisa, locual ta crea un cuadro solido pa alinea desaroyo di turismo cu cuido y proteccion di nos naturalesa. Esaki ta un paso concreto pa garantisar cu progreso economico y responsabilidad ambiental ta cana hunto. E acuerdo ta subraya e vision comparti cu un Aruba prospero ta uno cu su comunidadnan ta fuerte, su naturalesa ta protegi y su desaroyo ta basa riba respet, cooperacion y e bon comun.



MINISTER WENDRICK CICILIA A DESTACA E BON COMUN PA MEDIO DI ACCION

Oranjestad, Aruba — Minister di Turismo, Transporte y Labor mr. Wendrick Cicilia tabata e prome persona cu a duna discurso durante apertura di “The Common Good Conference” cu a hiba e tema “The Home We Build Together”.

Den su remarkenan, Minister Cicilia a enfatisa riba e importancia di traha colectivamente pa paz, prosperidad y bienestar di nos comunidad, resaltando e Bon Comun como un principio di guia pa public policy, desaroyo economico y solidaridad social.

Pa pone esaki den practica, Minister Wendrick Cicilia tabatin un experiencia recien hunto cu algun turista, caminda a verf e cas di Bernadina Grovell d.f.m., un acto simpel cu ta refleha algo mucho mas grandi: E BON COMUN. Na momento cu turista y comunidad bini hunto, impacto ta bay mas leu cu turismo y ta touch bida.

“Na momento cu nos comunidad prospera, tur hende ta prospera. Esey ta e berdadero nificacion di E BON COMUN”, tabata expresion di Minister Wendrick Cicilia.

E conferencia e trece hunto diferente experto internacional y lidernan di comunidad pa intercambia idea y solucionnan practico dirigi pa construi economianan inclusivo, comunidadnan vibrante y confiansa renoba den institutonan.

Door di ta anfitrión di e dialogo internacional aki, Aruba ta reafirma su compromiso cu liderazgo ancla den balornan comparti, responsabilidad colectivo y accion pa bienestar comun.

Parlamentario Eduard Pieters (PPA): “BODY-CAM PA POLIS, UN PROMESA CU A KEDA RIBA PAPEL!”

Diaranson durante un reunion den comision central a toca e topico preocupante di seguridad di trafico. Parlamentario Eduard Pieters di fraccion di PPA a expresa cu no por trata seguridad publico cu tardansa politico. Aunke e reunion den Comision Central a enfoca riba e iniciativa di ley di Roekeloos Rijden, unda PPA y demas fraccionnan a pidi pa duna un siman adicional pa por studia e iniciativa di ley aki mas profundo y tambe duna Minister Dowers espacio pa por aporta cu consejo, tin un tema cu no por keda sin atencion: e implementacion di body-cam pa polis, un herment esencial pa transparencia, proteccion y confiansa. Un tema urgente cu ta repetidamente posponi

E discusion riba body-cam no ta nobo. Desde e incidente tragico di e hoben Lanoy, PPA a actua cu urgencia. “Na inicio di maart 2025, fraccion di PPA a yama un reunion di caracter di urgencia y a presenta un mocion cu a haya aprobacion unanimamente den Parlamento, pa garantisa body-cam pa polis. E meta tabata simpel y cla: preveni duda, proteha polis y ciudadano y duna claridad obhettivamente den e situacionnan critico,” Eduard a elabora.

PPA a sigui cu e preguntanan formal na fin di maart na minister Dowers: kico ta e postura di ministerio, cua fondo mester aloca y cua ley(nan) mester adapta? Den e contestacion, minister a indica cu for di e gobierno anterior tabatin 28 body-cam disponibel. “Mes periodo ey, hunto cu e ex parlamentario Otmar Oduber, PPA a reuni cu Korps Chef Arnhem pa haya un splicacion detaya riba con



body-cam ta funciona y cua balor e tin den practica policial”.

Proposicion rechasa, oportunidad perdi

Ora a bira cla cu e cantidad di body-cam no tabata suficiente, PPA a presenta un amienda durante tratamiento di presupuesto 2025 pa aumenta fondo pa mas body-cam. Tanto fraccion di AVP como FUTURO a rechasa e amienda cu argumento cu e.o. “ya ta den presupuesto y notin mester”. Segun Pieters: “PPA no a laga e asunto cay. Den luna di augustus, durante tratamiento di Najaars Nota pa e presupuesto supletorio 2025, PPA a bolbe presenta un di dos amienda cu un enfoke strategico pa libera mas fondo. Pero un biaha mas e mesun fraccionnan di AVP y FUTURO a rechasa e oportunidad y proposicion, cu tabata na

bienestar y interes general di nos comunidad.”

Resultado? Casi un aña despues di e mocion unanimamente aproba, pero ningun implementacion concreto a tuma lugar.

Consecuencia pa comunidad y polis

E frustracion den comunidad ta crece y sigur ta un avalancha di pregunta PPA ta hayando. “Hopi pregunta ta keda sin contesta y confianza ta poni na prueba. Body-cam no ta contra polis; al contrario, ta un proteccion pa polis y ciudadano. Cu body-cam, evaluacion di suceso por ta haci di manera obhettivo, reduci speculacion y fortalece e estado di derecho,” Eduard a vocifera.

Minister Dowers a indica cu pa juli 2025 lo cuminsa un proyecto piloto di body-cam. Nos comunidad no

ta wak esaki, pues minister a gaña pueblo. PPA ta considera e proyecto piloto un paso sumamente laat, pero necesario. Sinembargo, promesa sin accion no ta restaura confiansa.

Finalmente Eduard Pieters a bolbe expresa, cu PPA no ta djis critica; PPA a propone solucion concreto, dos biaha y ambos rechasa! Awe, comunidad ta paga e prijs di keda sin actua. Seguridad publico y transparencia no por keda dependiente di calendario politico. Body-cam mester ta implementa cu urgencia, cu presupuesto y cu voluntad. Aruba merece un polis cu tin herment necesario, cu ta proteha y tin e confiansa di un ciudadano y un gobierno cu ta actua, no un cu ta djis priminti den bashi.

**TUMA ACCION PA PREVENI,
PROTEHA Y STOP DENGUE
CON NOS POR STOP
DENGUE?**



Fraccion AVP:

COMMON GOOD CONFERENCE TA PONE BIENESTAR COMUNITARIO DEN CENTRO DI MANEHO Y ACCION



ORANJESTAD (1 di februari 2026) - Fraccion di AVP ta mira cu gran satisfaccion riba e exito di e prome edicion di e Common Good Conference, cu a tuma lugha e siman aki na Aruba. E conferencia a crea un plataforma balioso pa dialogo, conexon y aprendizashi, unda miembronan a tin e oportunidad pa intercambia idea cu academiconan reconoci, politiconan for di diferente parti di Reino, y exponentenan local riba e tema central di bienestar comunitario.

Durante e diferente sesionnan, e participantenan por a profundisa nan conocimiento riba e retonan actual cu nos comunidad ta enfrente, y na mesun momento, explora solucionnan concreto pa fortalece coheson social y calidad di bida na Aruba. E interaccion directo cu expertonan di tanto nivel a confirma e importancia di colaboracion entre politica, academia y comunidad. Hopi significativo tabata tambe e participacion di e miembronan di Fraccion AVP na Common Good Expo, cu a tuma



lugha djahuebs atardi na Renaissance Conference Center. Mas cu 50 organizacion social local a participa, dunando oportunidad pa papia directamente cu esnan cu ta traha tur dia “riba e veld” y pa comparti nan experiencia tocante e situacion actual riba e isla. E expo a sirbi como un brug importante entre maneho y practica social.

Colega parlamentario di AVP, Clifford Heyliger a forma parti di un di e panelnan di discusion, unda hunto cu otro lider local a reflexiona riba e esencia mes di e encuentro: traha pa e bon comun cu accion concreto, no solamente cu palabra. E conferencia a demonstra claramente cu no tabata un evento di “hopi palabra y poco accion”.



Durante e siman a firma varios Memorandum of Understanding (MOU), entre nan pa e creacion di buurtcommissies y pa e programa nacional di reforestacion, entre otro iniciativanan importante cu lo tin un impacto positivo y duradero pa pueblo di Aruba.


Fraccion AVP ta expresa su gran aprecio pa Gabinete AVP/FUTURO pa e excelente iniciativa aki, y en particular pa Prome Minister Mike Eman,

pa su liderato y vision den organisa un evento cu ta pone bienestar comunitario den centro di agenda nacional.

Nos ta convoca tur parti involucra pa sigui traha hunto, pa traduci tur e bon boluntad, conocimiento y compromiso cu a surgi for di e Common Good Conference den un realidad cada dia mas miho pa nos dushi isla di Aruba.

Minister Geoffrey Wever:

O'STAD INCUBATOR A CULMINA CU DEMO DAY Y PITCH DI STARTUPS LOCAL



Oranjestad, 1 februari 2026 - Minister di Finansa, Asunto Economico y Sector Primario, mr. Geoffrey Wever ta anuncia cu diasabra ultimo, Impact Hub Aruba a celebra e culminacion oficial di e O'STAD Incubator cu un Demo Day inspirador, unda nueve startups local a presenta nan negoshi den e etapa final di un trayectoria intensivo di incubacion. E evento a representa un milestone

importante den e desaroyo di entrepreneurship y innovacion na Aruba.

Durante un periodo di tres luna, e startups participante a completa un programa intensivo di incubacion, ricibiendo capacity building y orientacion profesional for di mas cu 25 experto for di academia y sector priva. Entre otro, nan a wordo prepara riba creacion di modelo di

negoshi, validacion di mercado, posicionamento strategico y presentacion na inversionistanan. Di e 11 startups cu a cuminsa e trayecto, 9 a logra finalisa exitosamente, di cual 7 a presenta nan pitch na un panel di inversionista, business leaders y stakeholders local. Durante Demo Day, e empresarianan a comparti nan vision, progreso y potencial di mercado, demostrando e crecimiento concreto cu nan a logra por medio di e incubacion.

Tres ganador a wordo selecciona y lo sigui den un proceso di post-incubation, cu e obhetivo pa fortalece nan sostenibilidad y aumenta e probabilidad di exito comercial a largo plaso.

E O'STAD Incubator ta un iniciativa di Impact Hub Aruba, den colaboracion cu Universidad di Aruba y Camara di Comercio, y ta wordo patrocina door di SETAR, Aruba Airport

Authority y Aruba Tourism Authority.

Minister Geoffrey Wever, tabata presente durante e Award Ceremony y a enfatisa e importancia di sigui inverti den entrepreneurship como pilar pa diversificacion economico, creacion di empleo y un ecosistema di innovacion resiliente. Segun minister Wever, iniciativanan manera O'STAD Incubator ta

demonstra con colaboracion publico-privado por traduci ideanan nobo den negoshinan concreto cu ta crea valor real pa economia di Aruba.

Impact Hub Aruba, fundado na 2022, tin como proposito sostene entrepreneurship di un manera sostenibel y contribui activamente na un economia mas dinamico, innovador y inclusivo pa Aruba.

###CH#

Clasificados

SOLODIPUEBLO@GMAIL.COM

CEL.585 9500

MINISTER GERLIEN CROES TA DESEA EXITO NA STUDIANTENAN DI COLEGIO EPI CU A SALI RUMBO PA EUROPA PA PASANTIA VIA ERASMUS+



ORANJESTAD, 30 di januari 2026 – Minister di Educacion, mr. Gerlien Croes, ta expresa su orguyo y ta desea tur clase di exito na studiantenan di Colegio EPI cu a sali rumbo pa Europa pa participa den un intercambio educacional y pasantia internacional danki na e programa Erasmus+ (Plus). E oportunidad aki

ta representa un paso importante den e desaroyo academico y personal di nos hobennan.

Den e ultimo periodo, un total di 34 estudiante di Colegio EPI a sali pa exterior pa haci nan pasantia den paisnan manera Irlanda, Belgica y Spaña, entre otro. Tur e studiantenan cu ta



participa den e proyecto aki ta estudiante cu ta cerca di gradua y cu ya tin experiencia den nan ramo di estudio.

Minister Gerlien Croes ta subraya cu e participacion den Erasmus+ ta contribui directamente na e crecimiento internacional di nos studiantenan y ta permiti nan pa amplia nan conocimiento, habilidadnan y vision riba mercado laboral. E ta enfatisa cu e experiencia cu nan ta gana den exterior lo wordo treci bek Aruba, na beneficio di nos comunidad y desaroyo di nos isla.

Colegio EPI ta un institucion oficialmente acredita pa Erasmus+,


cual a permiti cu e aña aki estudiante di tur cuater unit di EPI por participa den e programa. E meta pa e proximo añanan ta pa sigui amplia e alcance di e intercambio educacional, cu un obhetivo di manda mas estudiante pa Europa y fortalece e posicion di educacion profesional na Aruba.

Ademas di Erasmus+, tambe tin colaboracionnan cu partnernan den sector priva y hotelero, manera Iberostar, cu ta brinda oportunidadnan adicional pa pasantia tanto den e Caribe como na Europa. Esaki ta demonstra e balor di colaboracion publico-priva pa crea

oportunidadnan concreto pa nos hobennan.

Minister Gerlien Croes ta expresa su gratitud na tur e partnernan cu ta contribui na realisacion di e pasantianan internacional, y ta reconoce e papel fundamental di e mayornan cu ta sostene y motiva nan yiunan durante e trayecto aki.

Gobierno di Aruba ta sigui compromete su mes pa fortalece educacion, internacionalisacion y oportunidadnan pa desaroyo, pa asina prepara nos hobennan miho pa futuro y pa e demanda di un mundo cada biaha mas global.



PROME MINISTER A ENTREGA MANDO DI CARNAVAL 72 NA MONARCANAN 2026



Ami Shondrick Ventura, Prins Los y ami Jerwin Mercera, Pancho E...(hunto) kier yama tur Royalties, mandatario, board di SMAC, y publico presente bon bini na no inauguracion.

(Pancho) ey ey ey! Pura pa caba, SMAC zundra nos pa ta tranca e schedule yen. (Prins) rustig, nos tin cu saluda cada grupito. (Pancho) Awel suficiente; ban L E!



(Prins) Via rueda di prensa oficial di sma na Ivo nos presidente a informa cu e ta baha cu "Vervroeg Pension" pa asina e p bay traha back pa e por gana placa, wel nos prome mandato ta pa pone 2.5 miyc den begroting pa asina SMAC y Aruba si Carnival por keda cu e miho presidente board pa hopi mas aña.



(Pancho) Nos lo percura pa Jouve bira rotonde di drive-inn conecta cu e ruta cu semper nos conoce y despues lo tin un after party den Carnival Village pa asina fiesta sigui te lightning parade.



(Prins) Bon noticia ta, cu ya caba tin 1 siman di vakantie cual ta pone cu nos no mester duna dia liber pero si cu tur juffrouw y meneer tin cu bay trabou toch

(Pancho) Momento a yega shon nan!



(Prins) Manera nos baluartenan y maestronan di tumba den felis memoria bisa...(Pancho) Nos lo topa cu ciego y e mira e bunitesa, (Prins) Nos lo topa cu mudo y lag'e canta (Pancho) nos lo topa cu sordo y e lo bisa: ban hunto scucha e gago canta (Hunto) Ban Los e! cu un y ti pa hunto nos gosa e fase final di carnaval

FUNDACION MOVEMENTOTATABIDA TA RENOBASTATUTO

Fundacion Movimento ta Bida (FMTB) tin e placer di anuncia cu despues di 15 aña a hasi cambio di su statuto. Danki na Oficina di Notario Helmeyer pa nan guia y consehonan. FMTB ta contento cu e statuto ta mas amplio y ta duna espacio pa hasi mucho mas. No solamente ta promove e beneficiaron di actividad fisico na e adulto mayor, pero motiva desaroyo personal, brinda sosten social, emocional y mental. FMTB por dunacurso y tene charla pa esnan cu ta bay baha cu Pensioen, cual ta encera e parti holistico na unda e adulto mayor mester tin un proposito y balansa cu por enriquece su bida como pensionado. Den corte tur loka ta encera "Active Aging". Fuera di esaki un otro cambio importante ta cu FMTB a coregi e palabra Movimiento pa movimiento cual ta un coreccion cu a bin di parti di Sr. Todd Dandare.

Nos ta aprecia masha hopi mes. E cambianan aki a tuma tempo pero den 2025 a dunaprioridad pa termina esaki. Cu e Statutonan actualisa nos trabou como FMTB por sigui mas rapido y ta brinda mucho mas posibilidad pa desaroyo di nos Adulto Mayor. Mester bay cu tempo. E programa di 2026 ta yen di actividad atrobe pa nos Adultonan Mayor na diferente distrito. Semanalmente tin encuentro nan unda cada grupo ta responsabel pa e actividadnan. Na e momento aki nos tin 10 grupo cu ta cay bou di FMTB y 22 grupo independiente cu tin contacto cu FMTB. Semper FMTB tacla pa yuday dunaconseho na cualke grupo cu tin pensa pa cuminsa hasi algo semanalmente hunto cu "nan" grupo. E oficina di FMTB a situa den e edificio di IBISA na Eagle. Otro actividadnan cu ta keda popular y ta ripiti anualmente



ta: Cana den Naturalesa, Fysio Fit, Cursonan (e aña aki tin Arte Creativo), Hofi di Bario unda por yuda den hofi cu plantacion y sosecha, hasi limpieza, muhamata etc., Weganan Deportivo Jani Brokke (mas cu 10 deporte pa adulto mayor), Song Festival 60plus y Fundraising (Bingo). E aña aki lo tin un Conferencia na luna di October y e Show Cultural

entre generacion nan. Tur e gruponan di Adulto Mayor (for di San Nicolas te cu Noord) manera ariba menciona por participa den e Show aki. Y no por lubida Canto di Alegria na December unda ta pasa na diferente cas pa canta y trece alegria na nos grandinan. Nos forza ta nos voluntarionan. Sin nos voluntarionan, nos no por a yega unda nos ta awe. Por

ultimo FMTB ta gradici su miembronan di directiva pa nan tempo y trabou como voluntario. Si tin companianan cu ta desea pa FMTB duna un presentacion na nan empleadonan cu ta bay baha cu pensioen por ehempel, yama nos pa un cita. Fuera di esey semper ta bon bini na nos oficina. Por tuma contacto cu nos via telefon 586-8651 of



Diaranson 4 Februari 2026 - Bubali-Noord ~ 7:00 pm
North International Sunset Parade

Diabierna 6 Februari 2026 - Oranjestad ~ 10:00 am
Parada Escolar Oranjestad (Scolnan Secundario y Avanza)

Diabierna 6 Februari 2026 - San Nicolas ~ 10:00 am
Parada Escolar San Nicolas (Scolnan Secundario)


Clasificados



SOLODIPUEBLO@GMAIL.COM
CEL. 585 9500



CROSSWORD WORD SEARCH PUZZLE



Fruits



Across

3. A big fruit you eat in the summer.
5. What fruit do monkeys like?
6. A red fruit.

Down

1. Purple fruit.
2. A small red fruit.
4. _____ juice.



Addonsito a MC Lilly Putters su Queen Election 2026



Den auditorio di Colegio EPI, a tuma luga e di 47 edicion di Lilly Putters Speelschool su luho election di Reina 2026.

Un total di 4 reina, inclui e reina saliente Malena Leon, compaña cada un pa nan prins a forma parti di e show. E 3 candidatanan tabata Romy Escalona, Cici Laclé y Keilani Quandt. E prinsnan tabata Nathan Erasmus, Sian van Eenenaam, James Solagnier y Axel Beltran.

E miembronan di hurado tabata Leilani de Cuba, Geneviève García y Deilin Delgado.

E mc tabata Addonsito Croes y e artistanan invita EZ Party Sollutions, Braiden Elizabeth (Monarch Hubenil 2026) y Johnny Boy (Monarch Infantil 2026).

Invitadonan tabata Reina Infantil Amelie Koolman, Reina Hubenil Kyra Jong y Reina Grandi Gabriela Croes.

Na final e resultado tabata Popchi Lilly Putters Keilani Quandt,



Princesita Lilly Putters Romy Escalona y Reina Lilly Putters Cici Laclé.

Juffrouw Lilly ta gradici cada mayor, su maestronan Suhein y Nadesca, Elite Productions, Wendy's,

cada hurado, Prensa di Aruba, Rex Aruba, Vea Deco sweets, cheff Mayonchi, Kami, Mila, Liv, Jake, Darinka, Darienne, Mike, Gino y su reina y prinsnan pa tur steun pa carnaval 72.



REFLECCION

NA ESNAN CU TA BIBA COMPANJA, BOSONAN NO SABÍ CU RELACION SEXUAL PROHIBÍ, TA UN CAMINDA PA FIERNO

E diabel ta purba cambia e moda di biba di hende, den e relacion sexual prohibi. E mundo por cambia, pero e palabranan di Dios nunca no ta cambia. Gobiernonan di mundo por pasa leyman cu ta contra di e palabranan di Dios, pero Dios ta bisa den Bijbel, Bijbel Malakias 3: 6: "Ami Senyor, Mi no ta cambia." Bosonan no sa, cu tur relacionnan sexual pafo di e Sacramento di Matrimonio, ta un relacion sexual prohibi pa fierno. Den e di 9 Mandamento di Dios ta bisa: "Lo bo no comete e pika di fornicacion, fornicacion ta e relacion sexual prohibi pa Dios, esta: Na esnan cu ta biba companja, na esnan cu ta casa pa Raad so, e prostitutanan y na e libertinahe sexualnan di tur clase. Bijbel 1 Corinthionan 6: 18 ta bisa: "Abstene boso di relacion sexualnan prohibi. Tur otro pika cu hende ta comete, ta tuma lugar pafo di su curpa. Ma esnan cu ta haci relacion sexualnan prohibi, ta peka contra di su mes curpa." Bijbel 1 Corinthionan 7: 2 ta bisa: "Ma, si ta pa e tentacion di haci relacion sexual pafo di matrimonio, anto ta mihor cu cada homber tin su mes esposa y cada muher tin su mes esposo." Bijbel Hebreonan 13: 4 ta bisa: "Tur hende mester respeta matrimonio den tur aspectonan y mantene e fieldad den e relacionnan entre esposo y esposa. Dios ta castiga na esnan cu tin relacionnan sexual prohibi y na esnan cu ta

comete adulterio." Bijbel 1 Tessalonicensenan 4: 2 - 5 ta bisa: "Boso conoce e instruccionnan cu nos a duna boso riba autoridad di Senyor Hesus. E boluntad di Dios ta, pa boso bira santonan y pa boso no tin relacionnan sexual pafo di matrimonio. Cu cada uno sabi di busca un esposa den santidad y respet, sin laga e mal deseonan desvia boso, manera sa haci den e pueblonan cu no conoce Dios." Bijbel Colosensenan 3: 5 y 6 ta bisa: "P'esey, mata tur loke ta keda di e mundo aki den boso, esta: Inmoralidad sexual, impuresa, mal pasion, mal deseonan y avaricia cu ta igual na idolatria. Pa motibo di e pikanan asina, Dios ta rabia y ta castiga na esnan cu no ta obedecel'E." Bijbel 1 Corinthionan 6: 19 y 20 ta bisa: "Bosonan sabi esey, cu boso curpa ta tempel di Spirito Santo, kende ta biba den boso, kende boso a ricibi di Dios. Boso no ta di boso mes, boso ta cumpra y e prijs ta paga. Glorifica Dios anto den boso curpa." Bijbel 1 Corinthionan 6: 9 y 10 ta bisa: "Boso no sabi, cu e inhustonan lo no drenta den e Reino di Dios? No ganja boso mes, na esnan den relacion sexual prohibi, na e sirbidornan di diosnan falso, na esnan den adulterio, na e homosexualnan di tur clase, na e ladronnan, na e alcoholiconan, na e blasfemadornan, na esnan golos pa plaka, na e abusadornan, ningun di nan lo no tin parti den e

Reino di Dios." Relacion sexual mester sosode solamente den e casamento den Sacramento di Matrimonio pa Dios, pa bo por ta salba. Bijbel Marko 10: 6-9 ta bisa: "Ma na principio tempo di creacion, Dios a crea nan homber y muher. P'esey e homber lo bandona su tata y su mama, pa e uni cu su muher y e dosnan aki lo bira un solo curpa. P'esey, loke cu Dios a uni, hende no ta permiti di separa." Esaki ta e Sacramento di Matrimonio den Misa, na unda Dios ta uni e pareha den un solo curpa, pa medio di un sacerdote. Den e Sacramento di Matrimonio aki, Dios ta uni e pareha den nan bida sexual y den e un solo curpa aki, e muher no ta donjo di su mes curpa mas, sino su esposo, tambe e homber no ta donjo di su mes curpa mas, sino su senjora, lesa Bijbel 1 Corinthionan 7: 4, loke Dios ta bisa di e pareha casa: "No ta e muher ta donjo di su mes curpa, sino su esposo. Tampoko no ta e homber ta donjo di su mes curpa, ma su senjora." P'esey e pareha ta keda casa te na morto y Dios no ta reconoce divorcio, pasobra e matrimonio ta un pacto di union di Dios e ta. Si e pareha a divorcia toch, anto nan mester laga e caminda habri y no mete cu ningun otro hende den nan bida. Pasobra e pika di adulterio, ta un caminda pa fierno despues di morto.

Seferino Tromp

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - February 01, 2026	
CATÓCHI Sorteo # 8765 7446 2590 8783 X3 BIG 4 Sorteo # 7809 7797 X2 DFF Sorteo # 2514 1597 ZODIAC Sorteo # 6568 2754 Sagitario LUCKY 3 Sorteo # 1498 709 X3		LOTTO 5 Sorteo # 2667 0 x Jackpot 0 x Match 4+ 5 x Match 4 171 x All 12.00 02-09-15-19-27 Joker 17 Letter M Proximo Jackpot 140.000,- LOTTO DIA Sorteo # 7083 0 x Jackpot 4 x Match 4 157 x All 8.00 05-13-20-21-24 Proximo Jackpot 52.000,-	
MEGA Sorteo # 0 x Jackpot 0 x match 4 0 x All 500.00 0 x All 50.00 0 x All 15.00 Mega Ball Proximo Jackpot 675.000,- Afl. 1.000.000,-		KORSOU Sorteo # Sorteo # 	

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - February 01, 2026	
CATÓCHI Sorteo # 4877 2118 9693 0113 X3 BIG 4 Sorteo # 4877 2375 X2 DFF Sorteo # 2933 7803 ZODIAC Sorteo # 4877 4435 Cancer LUCKY 3 Sorteo # 1751 003 X2		LOTTO 5 Sorteo # 0 x Jackpot 0 x Match 4+ 0 x Match 4 0 x All 12.00 Joker Letter Proximo Jackpot 130.000,- LOTTO DIA Sorteo # 0 x Jackpot 0 x Match 4 0 x All 8.00 Proximo Jackpot 51.000,-	
MEGA Sorteo # 0 x Jackpot 0 x match 4 0 x All 500.00 0 x All 50.00 0 x All 15.00 Mega Ball Proximo Jackpot 675.000,- Afl. 1.000.000,-		KORSOU Sorteo # Sorteo # 	

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-

Lieve mensen, "Bon dia yen di alegria!" Nos tambe a bay disfruta di Djiespies Happy Hour Diabierna ultimo y a sinti un crenchi e ambiente tambe di e actividadnan "Ban bek caya", ya cu tawatatin un otro banda musical tocando un crenchi pabao di Djiespies. Mientras e publico di custumber tawata bailando riba e dushi ritmo y melodia di e banda musical Azucar cu Robert Maduro, un otro banda tawata toca un crenchi mas pabao. Un dushi sorpresa ora cu varios grupo di bayle a bin duna nan bunita presentacion pa e publico di Djiespies, bisti den nan trahenan folklorico colorido masha bunita mes. Manera ta e tradicion y custumber nos amigo e gentil cabayero hulandes cu curason arubiano Wim Steenhuis a cana meymey di e publico pa saca potretnan bunita. Tawata dushi pa wak e publico baylador bayla riba e ritmo contagioso super alegre di "The lizard kacking" toca pa e banda musical Azucar. Awe nos ta relata tambe un crenchi di e expo "AKI" na RAA Studio (Residencia Artistico Aruba) cu nos a bishita Diasabra anochi prome cu nos a bay Grupo di Oracion na Modanza cu Vidente Valerie. Nos por a admira varios obranan impresionante pinta pa e artista Sharina Gumbs, e.o. su Mother Title art work "Silent Power" y su cuadro cu inspiracion pa cu su tata titula " The lion that didn't roar". Nos

a yega net na ora pa a mira y goza di un super nice presentacion di e artista Tuesday Irwin titula " Shades, Shifts and Stilness". Lady Ruth ta traduciele liber : "Sombra, cambio y quietud ". Tuesday a hasi uso di full su curpa y expressionnan facial, moviendo pafor y paden di un boto durmiendo den e boto moviendo poco poco zoyando, un bunita boto obra artistico di e artista Dimanche Jolie. Tuesday no a papia bisa niun palabara, a actua den silencio cu su forman cu full su curpa y cara paden y pafor di e boto. Demas artistanan cu tin obranan den RAA Studio na unda antes tawata Muchila Creativo ta : Ginelly Quant, Rudy Leysner y Rudberth Wolff. Mientrastanto un otro siman a pasa sin ricibi e carta di HOH nan Klachtencommissie. Lo ta hopi dificil pa nan stel op un carta pa nos ? Tin algun hende cu a bisa nos, no conta riba nan, nan no ta confiabel y ta tuma hende hasi cu nan Hoorzitting just pa formalidad den bista di pueblo, pa muestra cu nan ta duna un crenchi atencion, pero nada ta di curason. Enfin, no ta na ami nan tin cu prueba cu nan por mihor, ta na henter pueblo di Aruba, specialmente na nos aduhtonan mayor. Nan no por trese mi mayornan bek na bida ni e otro patientnan cu tambe a pasa malo bao nan man. Stranjo si cu nan ta bisa di ta bay manda nos un carta y te ainda nada no a yega

serca nos. Enfin, ta nan consenshi no di mi. Ban ta serio si. A dura 3 luna prome cu e Hoorzitting a tuma lugar, lo tuma nan 3 luna pa skirbi un carta pa nos ? Ufffff..... Nos ta conclui nos relato mandando saludos pa nos dushi hendenan di nos grupo di Oracion na Modanza. Nos por a scucha Vidente Valerie duna bunita testimonio di su bida asina bunita y impactante. Dios sa pakico cos a bay manera ela bay, Dios tin tur cos den su man. Tin hende cu ta spanta pa cambianan tuma pa mihor bida, si nan mes no a pasa den momentonan dificil y sa core huzga sin por tira e prome piedra. Valerie ta un hende muhe empodera cu hopi sabiduria y curashi. Y cu hopi amor pa su prohimo ruman. Nos ta un grupo di fe y bendiciona. Un grupo di hopi amor. Lady Ruth ta asina contento di a hanja un grupo cu ta comprend'e y cu ta stim'e tambe, manera e ta stima nan. Un famia aserca. Na ruman Bubu, corda trese bo guitarra otro biaha pa nos sigui cu nos serenata pa nos dushi grupo. Hendenan humilde y sincero, respetuoso y gradicido pa cada les y cada experiencia den bida. Cu Dios sigui drama su bendicion ariba cada un fiel seguidor di The Voice of Jesus cu na cabez cu curason nos bunita y elegante hende muhe fuerte dinamico y semper ilumina y inspira, Vidente Valerie.



Corda cuida e salud y duna bo grandinan atencion cu tempo di calidad. Un dia nobo cu oportunidadnan y bida nobo. Nos niun tey pa semper.

Manera e bunita cantica ta bisa : " One day at a time". Un dia a la vez. Pa esnan interesa lo bay tin un workshop di traha collage artistico di papel na RAA Studio diasabra 7 di februari di 4 pm pa 6 pm atardi duna pa e maestro di arte Patrick Mallison di United Kingdom y actualmente na Aruba. Un "bearhug" grandi diki gordo pa tur nos fiel lectornan y pa pueblo di

Aruba !
Ban goza di carnaval 72 cu no tin dos mescos sanamente cu hopi alegria y respet pa curpa !



PROME MINISTER A ENTREGA MANDO DI CARNAVAL 72 NA MONARCANAN 2026



ROSARIO BIBO DIALUNA 2 DI FEBRUARI NA KAPEL DI ALTO VISTA

Dialuna 2 di februari lo tin un Rosario Bibo na Kapel di Alto Vista cuminsando pa 7 or y mey di anochi.

Ta fiesta di presentacion di Hesus den Tempel, tambe conoci como fiesta di La Birgen di Candelaria.

Comision organizado ta invita hoben y adulto pa asisti pa e Rosario Bibo pa resa na La Birgen di Candelaria pa proteha nos contra tur enfermedad of cualkier turbulencia.

Tambe ta cuarenta dia despues di Pasco di Nacemento, ora nos a celebra nacemento di Hesus.

Den e temponan dificil cu henter humanidad ta enfrenta, mas cu nunca nos lo mester pone nos confiansa den nos Mama Maria pa e intercede pa nos comunidad y mundo henter keda libra di tur guerra y enemistad. Pa semper tin paz y amor den cada cas di famia, tambe pa na trabou ta reina un bon ambiente sin envidia, pa nos muchanan ta contento na scol y na cas.

Pues un invitacion general pa asisti na un Rosari Bibo dialuna 2 di februari pa 7 or y mey di anochi na kapel di Alto Vista

SOPI DI LETRANAN

P	P	F	E	G	Z	G	C	K
R	H	I	R	N	A	V	H	P
I	U	F	J	P	N	P	O	C
M	E	L	P	Q	A	O	C	O
A	V	O	A	T	H	L	O	N
V	O	R	S	V	O	L	L	E
E	S	E	C	U	R	I	A	J
R	C	S	U	E	I	T	T	O
A	M	R	A	E	A	O	E	F

CONEJO
ZANAHORIA
CESTA
POLLITO
CHOCOLATE

FLORES
PASCUA
PRIMAVERA
HUEVOS



SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su voluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.
Amen

DESCUBRI ALIMENTONAN IMPRESCINDIBEL CU NO POR FALTA DEN BO DIETA

Nos lo mustrabao algun alimento imprescindible di cual propiedadnan nutricional ta haci nan necesario pa un dieta sano y balansa. Pa suerte, nan ta alimentonan habitualmente facil pa haya y pa inclui den cualkier plato.

Tomati

Un dieta balansa mester contene un poco di tur cos, pero nunca mester falta tomati. E tin antioxidante, cu ta yuda na e rehubenecimiento celular, y vitaminanan A, C y E.

E tomati aprecia antes tabata wordo como un mata decorativo, te cu den siglo XVIII, a cuminsa consumi'e como alimento.

Ademas, tomati ta di puro awa, loke e ta bira ideal pa mantene e peso. E ta posee tambe un substancia fantastico pa e organismo, Licopeno, cu ta preveni e aparicion di cierto cancernan, manera di pulmon y di prostata.

Awacati

E dushi awacati tin un espectro di beneficio cu ta yuda for di un muhe na estado, pa un homber adulto. E ta posee acido folico, necesario pa preveni malformacion den e fetus y su vetnan ta impedi e desaroyo di colesterol.

Knoflok

E alimento imprescindible, aromático y fresco aki, ta un protector natural di e organismo. Ta miho consumi'e fresco, ya cu ta e forma cu e ta mantene tur su propiedadnan.

Ademas, e ta un excelente regulador di presion arterial y ta yuda e digestion.

Di un otro banda, hopi chef ta recomenda saca su parti interior berde, pasobra e por resulta pisa pa e digestion.

E resto di e djente di knoflok por wordo consumi completo. Ademas, como curiosidad, knoflok por tin cierto efectonan afrodisiaco.

Selder

Selder ta famoso pa stimula e potencia sexual. Ademas, su con-

sumo ta yuda mehora e problemanan chikito di memoria vincula cu edad. Selder tambe ta posee un porcentahe halto di hero, pesey e ta un aliimento imprescindible contra anemia.

Por ultimo, como curiosidad, e juice di selder ta yuda supera e trastornonan di sueño.

Chuculati

Aunke ta acus'e di faborece e ganamento di peso, chuculati tin mas virtud cu defecto. E ta energetico, ya cu consumiendo un cantidad chikito ta gana hopi den energia.



Ademas, solamente 100 gram di chuculati scur, ta posee 375 miligram di fosforus.

Di un otro banda, e polifenolnan cu e chuculati ta posee, ta convirti'e den un protector cardiaco y un agente preventivo di cancer.

Spinazie

Spinazie no solamente ta duna forza, sino cu ta yuda na mantene un bon bista. Ademas di ta un fuente basico di hero, spinazie ta asina bon of miho pa e bista cu un wortel, ya cu e ta concentra un bon cantidad di luteina, un substancia cu ta fortalece e retina.

Appel

Appel ta e fruta pa excelencia. E alimentonan imprescindibel aki



nan grandi di Omega-3, un substancia cu ta preveni malestarnan cardiaco. Lo mas recomendabel ta incorpora e pisca aki den e dieta infantil pa su fantastico aporte nutricional.

Yoghurt

Un yoghurt pa dia ta yuda cualkier adulto pa fortalece e calcium den e organismo y na mucha pa preveni infeccion.

Ademas, e ta un producto hopi recomendabel pa dietanan abao den calorìa.

Vol of sin vet, yoghurt ta un producto perfecto pa bo alimentacion.

ta reduci e cantidad di proteina y lipido y ta posee un porcentahe halto di vitamina, awa y salo.

Ademas, tambe ta actua contra e daño di celnan celebral.

Rasenchi

Ta berdad, rasenchi tin bastante concentracion di sucu, pero net esey ta hustamente loke ta convirti'e den un maravioso motor di energia pa mucha, adultonan mayor y deportista.

Ademas, den su espacio reduci, e ta posee un balans casi perfecto di cinco importante mineral: calcium, magnesium, fosforus, hero y potasium.

Alimentonan imprescindibel: Salmao

Salmao, specialmente esun silvestre of salvahe, ta posee cantidad-

Brocoli

Brocoli ta un bon fuente di vitamina A (principalmente den forma di beta-karotene), di vitamina C y di acido folico.

Esaki ta asina te na e punto cu un racion di 200 gram, ta aporta mas di tres biaha mas di e recomendacionnan diario di vitamina C y e mita di e ingesta recomenda di acido folico.

Berries

Nan ta wordo considera un fuente di vitamina C y K, ademas di su rikesa den manganeso. Berries ta alimentonan imprescindibel perfecto pa come nan so of como parti di un receta, por ehempel, cu yoghurt.

Ya sea di color cora, preto, no lage di purbe como acompañamento pa smoothies, tert of otro dessert.